



*Dissertatio*  
INAUGURALIS MEDICO-PATHOLOGICA,  
SISTENS  
**Aneurysmatis Arcus Aortae**  
**OBSERVATIONEM,**

QUAM

*Consensu et auctoritate amplissimi Medicorum  
ordinis*

IN  
**UNIVERSITATE**  
Caesarea Literarum Dorpatensi,  
UT GRADUM  
Socloris Medicinae  
rite adipiscatur,  
CONSCRIPSIT ET PUBLICE DEFENDET  
Caesar Isidorus Aldermanus.

STETTINUS.  
*Adjunctae sunt II Tabulae lithographicae.*



**Petropoli.**  
TYPIS CAROLI KRAY.  
MDCCCXXXIII.

I M P R I M A T U R

haec dissertatio ea lege, ut quam primum ex officina emissâ fuerit,  
quinq[ue] ejus exempla collegio explorandis libris constituto tra-  
dantur. Dorpati Livonor. dic XXVIII mens. April. MDCCCXXXIII.

Dr. FRIDERICUS ERDMANN,  
*Ord. Med. h. t. Decanus.*

**P A Z Z U O**

**O P T I M O E T D I L E C T I S S I M O ,**

Joanni Henrico Ackermann,

*Medic. Doctori, Medico pratico Lubecensi.*

Huncce libellum

pio gratoque animo

offert

*Auctor.*

## LECTURIS SALUTEM.

---

Examine rigoroso peracto, a clarissimo mediorum ordine venia conscribendae dissertationis inauguralis concessa mihi erat. Quod ad opus persiciendum breve tantummodo temporis spatiū mihi erat constitutum, quum, Stipendio Caesareo hucusque fructus, medici castrensis munus nunc initurus sim. Hinc morbi a me ipso observati historiam publici juris facere, in cadavere inventa cum symptomatis in ægro observatis comparare, aliaque auctorum exempla, quae cum nostro congruerent, conferre, apud me statueram. Mox tamen et temporis brevitate et rerum necessitate eo sum adductus, ut facile intelligerem, opus a me, qui sum in arte tiro, haudquaquam ex proposito confectumiri. Qua ex causa ultra fines pagellarum sequentium non sum progres-

sus, aliisque primum consilium reliqui exsequendum. Quum scopus conscribendae dissertationis medico-pathologicae animo obversaretur, a justo tramite aberrare non videbar, morbi historiam omni ex parte accuratam exhibens. Icones secundum vivam partium magnitudinem delineatae clariorem fortasse rei adspergent lucem. Precamur, ut lector benevolus opusculum hoc qualemque annuente animo excipiat.

---

### E R R A T A.

- Pag. 12 linea 9 lege intendebat pro instendebat  
— 12 linea 21 lege et iam pro eti am  
— 14 linea 18 lege sensi pro sensi  
— 15 linea 10 lege deprehendendum pro deprehendum  
— 18 a part. inf. linea 7 lege in gulosis pro ingulosis  
— 20 linea 2 lege bronchios pro bronchia  
— 23 a part. inf. linea 2 lege exscretio pro exscretis  
— 25 linea 14 lege incassum pro incessum  
— 25 linea 16 lege ut in pro utin  
— 25 linea 17 lege commorari pro commemorari  
— 26 linea 12 lege nullum pro multum  
— 26 a part. inf. linea 4 lege torporis pro temporis  
— 28 linea 10 lege in eo pro ad eo  
— 31 linea 14 lege medium pro nudum  
— 33 linea 16 lege et pro in  
— 33 a part. inf. linea 5 lege membranacea pro membrana  
— 37 linea 12 a part. inf. lege degenerations pro degenerationi  
— 37 linea 7 a part. inf. lege tali loco pro loco  
— 40 linea 3 lege expletat pro expletat  
— 40 linea 7 ac pro ad  
— 40 linea 14 lege origine pro originae  
— 41 linea 5 lege proprii pro proprii  
— 41 linea 12 lege bronchi pro bronchia  
— 41 linea 17 lege superiori pro superior  
— 41 a part. inf. linea 4 lege ulterius pro alterius  
— 43 linea 5 dele verbum: intelligamus  
— 43 linea 14 lege circumstavisse pro circumfuisse  
— 45 linea ultima lege quae pro quibus  
— 46 a part. inf. linea 8 lege rejiceremus pro resiceremus  
— 50 post lineam 13 inserit: d. art. subcl. sinistre ostium.  
In distinctione quorundam vocabulorum ita peccatum  
est: s — t, s — p, c — t, p — s, p — t pro — st, — sp,  
— ct, — ps, — pt.



## HISTORIA MORBI.

**J**oannes Fridericus Petter, XLVI annos natus, constitutione robusta, quondam agitator publicus, usque ad aetatis annum XLI prosperrima utebatur valetudine, si leviorum quarundam affectionum rationem non habeas. Anno MDCCCXXVI casu tristi factum est Rigae, ut dextrum humeri os frangeret, ibique opitulantibus medicis intra duorum mensium spatium in pristinum redactus est sanitatis statum. Jam inde ab hoc tempore sprevit supra memoratam vitae conditionem et victimi sibi parare constituit ex lyra audituris quibusvis, cum in vicis, tum alibi offerenda. Ad finem vergente anno MDCCCXXVII refrigorio affectus inter procellas interque servandos homines resque, percepit dolores lacerantes, tendentes. Qui sedem sibi eligebant in laevo humero, eadem trunci et laterali et posteriore colli parte; nonnumquam vero in caput, alterumque humerum migrabant indeque ambo brachia et pectus petebant, cuius praesertim

superiorem anteriorem locum afflictabant, sine omni respirationis molestia aut impedimento. Nocte vero vehementer adangebantur dolores. Adibat homo excruciatus medicum, passusque est, se ab illo per quatuor menses tractari. Intra hoc tempus, regimine diabetico antiphlogistico, assumebat album pulverem, qui ea lege initio porrigebatur aegroto, ut decem minutis praeterlapsis, alterum, doloribus haud evanescentibus, deglutiret. Quem pulverem omni curationis tempore, ultimo tantum mense pilula fuscā, interdum vero dilucido oleoso liquore adjecto, se sumsisse contendit. Ita tractatus in vehementem, sed nulla cavi oris affectione conjunctum ptyalismum incidit, qui per tres menses perseverabat. Unde evenit, ut dolores in paucos menses fugerent, auctummo autem anni MDCCCXXVIII pariter truculenti in iisdem locis apparerent. Aegrotus nunc nulli medico se offert, vitat omnes labores et malam temperiem modum observat in edendo et bibendo, et, doloribus paullulum minoribus, profectus Narvam est, ubi arbitrio medico, nescio quo, XV lagenas ex herbis et lignis comparati decocti, nullo tamen cum successu ehibit. Auctummo adhuc anni ejusdem Revaliam reversus, percipiebat dolorum vina magis extensam, quae demum eo progressa est, ut iterum adiret medicum. Delegatus

est ad vetalam quandam, in epte procul dubie et imperite circa patientes agentem, quae per novem dics balneis ex herbis eum curabat. Magnopere postea dolores mitigati sunt, lenissimi per non multum tempus manebant, adacti, etsi non vehementer, paullulum post; itaque per annum sese trahebant, neque adiabant aegrotum ad medentes. Tempore, quo fructuum major pars in terris carpitur, anni **MDCCCXXX**, ubi noster homo nundinis Pernaviae habitis lyricen vulgaris affuit, dolores ita cumulati sunt, ut in sequentis anni mense primo Dorpatum iter facere constitueret, petiturus in Clinico Universitatis nostrae almae curam. Neque tamen consilium suum executus, hominem potius imperitum cumque rusticum adiit, cuius domum sine ejusdem mensis sibi domicilium legit. Ibi tenui victu, suppeditatis decoctis sudorem moventibus usus, cubiculum calidissimum habitavit. Dubius hebdomadibus peractis, nullum dolorum levamen expertus est. Imo in superiori pectoris parte isti vehementius sese attollebant cum acri pulsatione, praecipue in regione cordis, ita ut omnis thorax tremens perciperetur. Quibus symptomatibus in dies auctis dolores creverunt, ptyalismus rursus enascebatur cum respiratione impedita et continua tussi, quae periodice vehementior fiebat. Toto mense

magnō cum aegrotantis detrimēto peractō,  
hic missum fecit pravum et stolidum medicā-  
strum et XIII die Martis clinicū nostrū as-  
scendit. Modo supra enarrayimus, quomodo  
homo sese habuerit. Praeterea vero tempore  
ultimo cernebatur pulsans tumor, magnitudine  
parvi ovi gallinacei in medio ipsius marginis  
superioris manubrii sterni, qui habitus est  
anevrysma arcus aortae. Vacantem stationa-  
riis aegrotis locum oblatum repudiavit, ut in  
domicilio suo cura instituatur petens. Tenuis  
ictus, usus pulveris hb. digit. purp. grj. et  
cromor. tart. gr. XXX ei commendatus est. —  
**Dolores** aucti et tumor sanguinis evacuationi-  
bus compescabantur, sed in breve tantum tem-  
pus, ita nt aeger, inenante Maio MDCCCXXXI,  
rursus sese offerret medendum chirurgicāe  
sectioni nostri clinicī stationarium. Praecep-  
tis diæticis maximam partem neglectis, par-  
ce assumisit suppeditata medicamina. Inter-  
rogatus, num aliunde medicina ei sit allata,  
hoc constans negabat. Quum, deficiente loco,  
in institutum clinicū recipi non posset, ex  
illo inde tempore domi eum tractavi. Tempore  
illo sese tali modo habebat:

Habitus aegrotantis suspicionem organici  
cujusdam mali prodebat: corpus enim maci-  
lentum, turgor vitalis diminutus erat. Cutis  
pallida, laxa; sicca, oculus vitreus, languidus,

turbidus. Capite in pectus inclinato, prono corpore sedere solebat, et magnam debilitatem virium prodebat. — Lectulo incumbens adamanabat supinus jacere. Plerumque quidem morosus, cessantibus tamen doloribus, pristinam ipsi insitam hilaritatem ostendebat. In limite colli et pectoris tumor elasticus et pulsans conspiciebatur pugilli magnitudine, cuius forma fere fuit ovi. Supra usque ad laryngem extensus erat, infra depresso et attenuatus tangebat fere eum locum sterni, ubi ho<sup>c</sup> copulatur cum costis secundis, ita ut hand exigua manubrii sterni pars absorpta videretur. Simul paullulum luevam clavicularis regionem amplectebatur. Cutis colorem naturalem ostendebat, fulgida et parum extensa. In quavis parte tumoris sentiebatur pulsatio, non tamen ubique vehemens, tanta vero ut thorax concuteretur; ceterum eodem tempore, quo cordis et arteriarum ictus percipiebantur, pulsatio tumoris quoque interna sese manifestabat tactui. Si quis tumorem subito premebat, dolores excitabantur; tarde et paullatim aductum pressum vero facilius tolerabat aegrotus. Volumen tumoris, pressu imminutum, redibat illo sublato. De loco moveri non potuit tumor. Aeger dolores querebatur, qui paroxysmorum instar a laevo bracchio laevoque humero, praesertim a scapula per superiorem pectoris par-

tem et cervicem in caput sese extenderent, tum brevi fugerent, tum ibidem retro se recipierent, corripientes tandem lacrum humerum brachiumque, lacerantes et tendentes, nocte ferociter crescentes. Ubi remittebant in capite prorsus evanescebant. Si tranquillus fuit aegrotus, nulla paene respirationis impedimenta sentiebat, vel corpore supino. Quando vires corporis instendebat, respiratio brevis, sublimis, coercita erat, comitante sensu premente in pectore. Neque non defuerunt similia respirationis mala dolorum paroxysmis. Inter respirandum anhelitus non exaudiebatur, quamquam vox paullo gravior erat. Anxietate non vexabatur aegrotus propter ea forte, quod dolor eam superabat. Quae respirationis impedimenta sublevabantur, si ager lecto insidens paulum sese inclinabat. Ubi diutius cogebatur supinus in plano jaccere tussicula movebatur, simul exscreans pituitam spumeam aut subcaerulea pituitosa frusta; interdum etiam tussis sieca fuit. Aegrotus retulit, pituitosa coagula quasi avelli superiore pectoris parte dextra; tum vero dolorem remittere, quem in illa parte perpessus sit. Haec tussicula sub quovis, aut communi, aut partiali corporis motu prorupit, antea ferox et molesta, nunc levior. Prospere organa digestionis sese exhibebant, nulla in deglutitione molestia, alvi ex-

cretio bona et justa; nullum eari abdominis organum vitiouse affectum. Compressa Aorta abdominalis anxietatem et tussim eliciebat. Inde ab inenunte anno MDCCCXXXI orta salivatio perseverabat, carum vero oris neque laesum, neque inflammatum reddens. Urinae excretionem innormalem non inveni. Pulsus CXX ictus per sexagesimam exhibebat, inter motus centum et sexaginta. Pulsus plenus, durus, fortis; inaequalis quidem, neque tamen intermittens. Sinistro carpo minus percipiebutur quam dextro, et in ambobus carpis paulo serius pulsationem cordis, quam in sanis fieri solet, sequebatur. In extremitate superiori sinistra desiderabatur mobilitas consueta. — Alia febris symptomata deficiebant. →

### DIAGNOSIS.

Quamquam satis bene compertum habuimus, quam facile quis falli possit in morbis cordis et vasorum majorum internoscendis, omni tamen opera nitebamur diagnostin, quae in hunc casum cadebat, quantum fieri potuit,

exhibere. Nullus dubito, quin dolores anno MDCCCXXVII in aegrotum ruentes symptoma rheumatismi acuti fuerint. — Etsi momenta non deerant, quae arthriticam naturam innuebant, tamen eorum copia non tanta erat, ut arthritidem praesentem statuere possemus. Sed definitu difficilius, num pertinacia eorum et incrementum tempore auctumnali unice ad rheumatismum referendum videatur, qui in chronica forma perduravit. Quoniam malum aneurysmaticum satis fuit perspicuum, facile suspicio enasci potuit, jam pridem rheumatismum corripuisse majora vasa arteriosa \*) et malum, forsitan mature exortum paullatimque magis excultum, sigillatim movisse atque excitasse saevos et haud cedentes dolores. Quod stabilitur eo, quod dolores potissimum in imo pectore seu superiore partem invaserunt, quod constantes hucusque iisdem in partibus sese ostenderunt, quod diaeta tenuis boni fuit effectus, tandem quod parum auxilii tulit methodus antirheumatica. Cura balneorum ope

\*) F. L. Kreysig: Krankheiten des Herz. I. pag. 160 et alii loc.

I. P. Lukomski, Diss. de statu et condit. milit. morbis cordis gigantidis idonea. Vil. 1815.

J. F. Davis: Ueb. d. Herzentz. nebst Wells Fällen von Rheumatism. d. Herz A. d. Engl. v. Chouplant u. Kreysig.

*instituta, quae saltem paulo laetiorum aegroti conditionem adduxit, ex parte saltem ostendebat, alterum morbum alteri supervenisse \*); et si in haec diagnoseos parte haesitavimus, hoc in confusam et mancam, quam nobis expeditabat aegrotus, anamnesin cadit. —*

Tumor in ipso margine superiore manubrii sterni nullam admittebat dubitationem, quis aneurysma adisset \*\*). Supererat, ut dijudicaretur, qua in arteria hoc vitium apprehendendum fuerit. — Arcus aortae peculiaris videbatur sedes, quod quoque affirmabat jam pridem accepta diagnosis, pariter atque, quum iterum aegrotus sese offerret, forma et locus tumoris, qui congruebant cum situ arcus Aortae. Aegrotus, in clinico nostro m. Martio MDCCCXXXI exploratus, ostendebat tumorem in ipso medio margine superiore manubrii sterni, quam rem, monente Hodgsonio \*\*\*) in dicem habere potuimus, cum originem daxisse ex arcu Aortae. Simul vero arteria subclavia sinistra exclusa ex aneurysmatico tumore non

\*) R. L. Kreysig o. e. II. Abth. 1. pag. 460.

\*\*) I. Hodgson: Krankh. d. Art. u. Ven. A. d. Engl. v. Röberwein, pag. 151.

\*\*\*) Hodgson o. e. pag. 152.

I. B. Morgagni de sed. et caus. morb. XXVI. 2. XVII. 25 et aliis loc.

**videbatur, quod tumor in sinistram clavicula-**  
**rem regionem sese explanavit, tum quod pul-**  
**sus sinistro in carpo differebat a pulsu dex-**  
**tri \*); porro quod sinistrum bracchium minus**  
**agile erat et tandem quod magis quam dextrum**  
**doloribus infestabatur. — Utrum Arteria ca-**  
**rotis sinistra et trunci anonymous pari modo**  
**affecta essent, decidere non sum ausus; quum**  
**vero nullum satis certum symptoma adesset,**  
**praesens malum minoris momenti esse duxi-**  
**mus.**

Tum definiendum esse videbatur, utrum  
 aneurysma verum, quod desorganisatione cum  
 dilatatione omnium niteretur tunicarum arte-  
 riarm, an spurium, quod effectum esset, de-  
 letis aut disruptis arteriarum tunicis internis,  
 sacco tunica cellulari partibusque vicinis for-  
 mato, an mixtum, per continuitatem sublatam  
 tunicae internae et fibrosae, antegressa dilata-  
 tione, exortum \*\*)? Ceteroquin aneurysmata

\* ) Sam. Cooper Handb. d. Chirurg. in alph. Ordin. A.  
 d. Engl. v. Froriep pag. 470; Je mehr der Sack der  
 pulsadergeschwulst an Umfang zunimmt, um so mehr  
 vermindert sich die Communification des Blutes mit der  
 Arterie unter der Geschwulst. Es wird daher unter dies-  
 sen Umständen der Puls unterhalb der Geschwulst schwach  
 und klein, und das Glied häufig kalt und ödematisch.

\*\*) Monro: Essays and obss. phys. and liter. of Edinb.  
 Vol. III pag. 255.

vera locum habere posse in aorta, testantur viri celeberrimi, Morgagni, Haller, Guattani et alii \*). In eunus tamen m. Majo anni MDCCCXXXI satis luculenter apparebat, aneurysma illud esse mixtum \*\*). Quousque corripuerit pernicies aortam, et corne particeps judicandum esset malorum praesentium, hoc non satis nobis indigitatum fuit symptomatibus certis.

### AETIOLOGIA.

Rebus ita sese habentibus, profecto haud exiguae excitabat difficultates explananda origo et evolutio mali. — Temperare mihi non

Friend: Histor. of physic. Tom. I pag. 497.

Morgagni o. c. XVII. 17. 25., XXVI. 14., XXVII. 14., XL. 26.

Hodgson o. c. pag. 99 — 114.

\*) Morgagni o. c. XXVI, XXX. 47.

Harless: Zus. zu Scarpa üb. die Pulsadergeschwüste Pag. 308.

\*\*) Refl. et observ. sur l'anevrisme par A. Scarpa trad. de l'ital. par J. Delpach.

Hodgson o. c.

possum, quin contendam, complures causas tam proclivitatem morbi aneurysmatici, quam evolutionem procreasse. Haud negligendum causale momentum jam in acuta, postea in chronicam mutata, affectione rheumatica positum est, quae potu spirituoso \*), tam frequenter, quam immodice assumto, eo pertinacior reddebat, quo dintius aegrotus abusui illius indulgebat. **Quid mirum, si inflamatio chronicā in vase correplo persistabat nec resolvi potuit, quum aegrotus necessitate coactus simul malo Jovi quotidie fere sese objiceret?** Morbosā mutatio tunicarum arteriarum, atheromatōsae, steatomatosae, calcariae depositiones, incrassationes aliaeque degenerationes inde natae \*\*), dilatationē vasis vexati \*\*\*), tandemque saccum aneurysmaticum \*\*\*\*) adducere valebant. Ceterum silentio praeterire non possunt, mercurium, si forte adhibitas

\*) Lancisius: de aneurism. in Th. Lauth. Collect. Scr. lat. de aneur. — prop. 41: de centum, sponte ortis aneurysmatibus, plus quinquaginta ingulosis et bibacibus vivissim, testatur.

Verbrugge: de aneur. in Th. Lauth o. c. pag. 460.

Morgagni o. c. XVII. 25. XXVI. 43.

\*\*) Hodgson. o. c. pag. 41 et 54 sqq.

\*\*\*) ibidem pag. 74.

\*\*\*\*) ibid. pag. 99 — 114.

esset, per quam nocuisse \*); praeципue methodus diapnoica, modum exceedens, ad aneurysma latius adhuc extendendum contulit. Aliarum causarum mentio fieri non potuit. —

Cum hujus morbi historiam conscriberem, operam profecto navabam, ut indagarem, cur aneurysma illo ipso loco conflatum esset; et quaerebam causam hujus rei in propria vasis indole \*\*), porro in debilitatione ejus perconatus sub ferendis tollendisque oneribus, quum adhuc planstarius publicus noster homo esset, quibus, perturbatione circulationis adducta, cor ad propellendum in vas afflictum sanguinem majori vi adigebatur. Porro detrimentum cepit ex eo, quod sustentabat lyram magni ponderis supra laevum humerum haerentem lato lorio, quo premente vasa aut ipsum pectus potuerunt male tractari \*\*\*).

**Impedita respiratio, quae antea percipiebatur, postea vero aliquantum cessit, causam**

\* Matani de aneurysm. praecordiorum morbis §. LIII in Lauth. o. c. pag. 326.

Kreysig o. c. III. pag. 256.

Lancisins o. c. prop. XXXIV in Lauth. o. c.

\*\*) Morgagni advers. anat. II. animadv. XLI.

Searpa. o. c.

Hodgson. o. c.

\*\*\*) Verbrugge o. c. in Lauth. o. c. pag. 445. 460.

Kreysig o. c. III. pag. 254.

habuit in irritatione et pressu, quem vas affec-  
tum in tracheam et bronchia exhibuit. Ab-  
sorptione manubrii sterni, cum tumor magis  
egredi posset, necesse fuit irritatio et pressus  
fieret mitior.

### PROGNOSIS.

Etsi desperare, praecuntibus Hodgso-  
nio \*) et Corvisarto \*\*), non potuimus, quin  
aneurysma arcus arteriae magnae funditus sa-  
naretur, tamen in hoc rerum statu non facile  
tale quid sperari potuit. Quod malum omen  
eo adhuc firmabatur, quod mali amplexum non  
certo novimus, tum quod diutius perduravit et  
crevit, viribus jam manifesto deficientibus,  
tandem quod in malo cubiculo sese aegrotus  
habuit. Diathesi anenrysniaticae nullum lo-  
cum dedimus. Palliativa curatio suprema erat,  
quam consequendam censebamus, atque etiam  
in hujus gratiam non multum propter res visas

\*) Hodgson. o. c. XXIII, XXIV, XXV-ter Fall.

\*\*) Corvisart: Essai des malad. du cœur. pag. 515.

solutii excitabatur. Nihilominus spem forte adhuc sanandi aegroti non plane abjecimus. Prosperi eventus spem concipere permisit constitutio inde a pueritia robusta aegri, probe fungentia digestionis organa et quod experita fuit saepenumero palliativae curationis quam maxime propria vis.

---

**MEDENDI RATIO,  
MORBI DECURSUS ET EXITUS.**

---

Si aneurysma faciem ostendit, qualem adumbravimus, curatio radicalis ea sola lege praestari potest, ut, lumine arteriae retento, depositio polyporum concrementorum in sacco aneurysmatico tam abundanter peragatur, ut inter cavum illius et arteriae, unde proficit, societas plane extinguitur \*). Methodo palliativa omnino quidem consilium hoc haud exsequemur, verum tamen id perficiemus, ut mortifera disruptio sacci differatur et procras-

\* ) Hodgson. o. c. pag. 162. sqq.

tinetur. Ceterum remedia in utramque partem eadem sunt. — Clarissimorum medicorum opiniones de hac re in idem medium cadunt; etenim contendunt medendo, ut sanguinis circumitus vis diminatur et retardetur, et copia, nonnauquam etiam vis plastica sanguinis extenuetur. Nos vero vestigia premere statim us notissima Valsalvae et Alberlini \*), quibus tamen modica severitate incedere placuit. — In sanguinis evacuationibus providenter agendum erat, quandoquidem, spe tenui curationis plane perfectae, vires haud exiguum in modum labefactatae erant. Neque non fuit, quin interdum fomentationes frigidae tumor i applicarentur; praeterea mox aegroto in extinguendam sollicitudinem porrexiimus unguentum placans ex oleo Hyoscyami cocto et unguento Altheae coactum.

Inde a VI die m. Majo ad XIV Septembr. diem usque in propria statione, ut supra jam monitum est, a nobis visitabatur. Sed male de aegroto agebatnr, quod statiohem probabilem committavit cum pejore, que ipsi saepenumero occasionem obtulit transilire jussa diaetetica. Quibus rebus, quamquam nostra

\*) Morgagni o. c. XVII. 50.

Kreysig. o. c. II. Abthl. 2. pag. 722.

Abhandl. d. Instit. zu Bologna. Bd. I pag. 211.

spes perquam concisa erat, tamen nobis contigit, ut molestias aegri hominis leniores efficeremus, etsi ceteroquin ingenue nobis erat fatendum, curationem radicalem nequaquam posse adduci. Tumor aneurysmaticus tam circuitu, quam altitudine extendebatur seque magis in sinistram clavicularem regionem expandebat. Pulsationes non ita clarae modo, ut antea, verum etiam nonnullis locis adhuc magis superficialiter sentiebantur, adeo vel cernebantur. Tensio, calor et sensus dolorum periodice exasperabantur, quemadmodum phaenomena irritabilitatis omnino adacta, aut attenuata erant. Usque ad XIV d. Septbr. tumor magnitudinem magni pugni virilis asseculus erat; manubri sterni major quaedam pars evanuerat. Pulsus eodem tempore ac ictus faciens fortitudine, plenitudine, rhytmo inaequalis fuit, nonnunquam intermittens, cum scilicet symptomata graviora fierent. Frequentiam ejus sustentabamus inter LX et XL ictus, sinistro carpo liberior pulsus. Dolores, initio anxietate stipati et noctis tempore exacerbati, sensim remittebant et mitissimi humerum sinistrum denum tenebant. Somnus eo fiebat justus; sinistrum brachium mobilitate majore gaudebat. Per intervalla doloribus vacua respiratio nullo pacto impediebatur, tussis et excratis eadem. — Non latebat nos, aegrotum

libentius jacere, capite et pectore erectiore, quam, nt antea, aequali. — Alvi excretio regularis, sufficiens urinae secretio et salivatio alternabant, ita ut, altera aucta, altera diminueretur. Vires et nutritio aegroti vix vexatae erant. Dipulsis molestiis animus ejus quoque efferebatur hilaritatemque non mentiebatur, et quovis die fervidorem recuperandae sanitatis spem alebat; magno vero nostrae curae sicut detimento, quod aegro persunasum erat, se nullum fructum esse nacturum ex nostris praeceptis diaeteticis.

Curandi rationem supra memoratam per quatuor menses continuavimus. Quatuor sanguinis evacuationibus nihil nisi XXVIII sanguinis uncias aegrotu detraximus; obtulimus ei grj. hb. digital. purp. cum tremor. tart. gr. XXX pulveris forma p. d., nec non alia remedia antiphlogistica \*).

Hoc in statu versans aegrotus in clinicum hujus almae Univ. recipiebatur. Recens quod-

---

\*) Quoniam nihil prorsus certi statuere licet de ratione, qua noster vixerit; vix affirmare possumus, utrum vim exhibuerit tempestas in aegrotum, siquidem hoc fieri videbatur secundum observationes a nobis saepius factas. Fervido, sicco, aestuoso Jove status ejus in pejorem versus est partem, quae imbris delabentibus, nulla amplius erat.

dam symptoma exsurrectum indicabat paulo post aeger; saepe enim sensum se capere tanquam latex frigidulus interne deorsum per spinam dorsalem sese effunderet, quo facto, se levamine molestiarum gaudere contendebat. Cujus symptomatis adhuc circiter XIV dies ante ohitum mentionem fecit. — Cetera morbi phaenomena haud mutabantur usque ad XII d. m. Octbr, qua die aegrotus domicilium privatum petere jussus est, quia institutum clinicum aperiri debebat aegrotis cholera laborantibus. — Non omni ex parte contentus cum cura hucusque instituta, sedulo vel inter procellas cubiculum sibi quaerebat aeger, sed incessum. Defatigatus igitur, simulque timore cholerae excruciatus utin instituto clinico adhuc diutius commemorari posset, rogabat, et veniam hanc impetrabat. Pejor, in quem inciderat, aegroti status jam omnem nobis fiduciam extinguebat, fore, ut prospere nostri labores cederent. Iteratae venarum incisiones, hirudines in ambitu tumoris applicati, temperantia, antiphlogistica, evacuantia remedia, hb. digitalis purp., clysmata exilem tantum effectum exhibebant; pnv. Doveri dosis, respertino tempore praehita, initio tantummodo dolores, anxieties, suffocationis paroxysmos, insomniam et morositatem deleniebat. In dies aegrotus in pejorem conditionem ruerat. Do-

lores denuo in paroxysmis crebrioribus exasperabantur, qui plerumque matutino tempore sumnum fastigium attingebant; et quam mors appropinquaret, sine ordine paeneque continui. Ingraebant non sine magnis anxietatibus, sudore pavido, qui alternabat cum frigore quatiens, suffocationis sensu et pulsatione pectoris; dilabebantur per caput atque per dorsum dextrumque humerum; nonnunquam excitabant vel gravem clamorem. Tussis principio sputa moleste edens, non ita multo post mitior obtinebat. Ultimo vitae mense multum tussis stimulum aeger percipiebat, verum tam sermo et deglutitio non sine molestiis fuit. Sensim magis sedere, quam cubare desiderabat aegrotus. Extremitas superior sinistra magis in dies immobilia, neque non in dextra prospicue mobilitas comminueretur. Tumor oedematosus regionem malleorum et corporum amplectebatur, sese expandens immensum in modum per totum sinistrum bracchium. Neque parcebat integumentis orbis tumoris, regioni epigastricae et umbilicali, quae inflatae conspiciebantur; tandem oedema etiam observabamus, quod respondebat insertioni diaaphragmatis. Iluc accedebat sensus temporis (Vertaubung) in extremitatibus. In scrofula cordis praecclare intelligebatur pulsatio. Pulsus fortitudine, plenitudine, rhytmio inaequa-

lis, interdum intermittens, remediis adscitis retardabatur quidem intra frequentiam LX et L ictum; ultimis vero duabus hebdomadibus frequentior inveniebatur, et illo die, ubi consecutus est aegrotus fata sua, XCII intra placidum statum, CLXXX ictus autem post levissimum corporis motum percipere sivit. Sinistro carpo pulsus sensim magis abditus et tandem prorsus defuit. Urina rutila, per ultimum temporis spatium parca, et salivatio alternabant ut antea inter se. Alvis remediis ducenda erat jam ante usum pulveris Doveri. Nihilominus tamen in laetioribus momentis aegrotus spe recuperandae sanitatis vitaeque ardebat, adeo magis, quam utrumque ex disruptione tumoris et evacuatione materiae cruciantis expectaret. Vires et nutritio magis magisque evanescabant; motus febres vix ullam tenebant partem.

Hisce miseriis etiam facies tumoris magis injunctiorem formam assunebat. Quavis die crevit et XXIV d. m. Octbr. triangularem induerat speciem, ita ut mucro deorsum versus et sinistrorum usque ad illam regionem fere sterni, quae conjungitur quartae aut quintae costae, vergeret, basis vero obliqua serie sursum et sinistrorum in anteriore collo sita esset. Sensim in dextram partem etiam paullulum expandebatur tumor, et tandem, dum

negrotus inter sedendum et jacendum medium tenebat, mentum attigebat basi, infima perimetro rotundi oblongi, ejus formam jam rursus in pectore per transversum adsciverat, operuit os sterni, sed ita, ut relinqueretur inferior ejus pars libera, latitudinis trium digitorum a mucrone processus xyphoidei. Minorem ambitum tum temporis modo ostendebat, ubi prima haemorrhagia letifera acciderat \*). Calor, tensio, pressus et dolores periodice ad eo adaugabantur; in alto, adstricto tumore pertinacissimi erant. Cutis in illo nitens patescerebat evidenter vasa sanguine expansa; jam Octbr. m. rubescensem colorem monstrabat, donec 1 d. m. Novbr. duo loci purpurei comparebant. Pulsationes eodem tempore auditae, cordis pulsationum instar, efficiebant motum tumoris conspicuum, tum in toto ambitu, tum in singulis ejus locis. Quod vero optime iis in locis cernebatur, qui postea phoeniceum colorem ostendebat, ita ut tangens digitus sursum libaretur. Iisdem punctis paries quoque sacci tenuior erat, lenissimus pressus adductus movebat pungentes vehementer dolores. Alter locorum discolorum, circa medium mensem

---

\*) Accurata dimensionum tumoris descriptio vivente negroto instituta quidem nobis fuit, sed quod literis' de hac remandavimus, non jam in manibus nostris versatur.

**Novbr.** sese formabat ad prominentiam oblongam, planam, quae mox in mucronem exiit. D. XX m. Novbr. non fugiebat nos in hac prominentia dispersa furfuratio, et XXIV d. m. ejusd. matutino tempore hora fere sexta, prorupit quidem sanguinis jactura parvula, quoniam mox sanguinis coagulo obstruebatur antrum. — Simile sanguinis profluvium ex eadem ruptura sese ejecit nocte, quae fuit inter XXV et XXVI d. m. Novbr. insequenti vero nocte jam fere tres unciae profusae sunt. Circa idem tempus dolores aegrotus accusabat praecipue in dextra parte trunci superiore et capitis existentes; lacrymarum secretionem ex oculo dextro, nec non salivationem ex dextra parte cavi oris praevalere dicebat \*). Illo quoque tempore susurrus in tumore talis, qualis esse solet scaturiginis lente ebullientis, perecipiebatur. Haemorrhagia sedata, ligaturam ex linteo carpto suggestam antea applicatam, quippe quam aegre patiebatur homo afflatus, removimus. Jam nunc, in loco rupturae animadvertisimus superficiem cellulosam sanguinem stillantem, quae congruenter cum diastole et systole cordis sursum deorsum sese movebat. Sanguis exsudatus ibi crassam crustam efficiebat, sub

\*) Situ in aegroti nullam vim habuisse in hac symptomata, equidem consero.

qua guttatum profuebat. Vespertino tempore d. V m. Decbr. spontanea haemorrhagia erupit, quae mox restinguatur compacta ligatura. Intra sex et octo uncias cadit abjecti sanguinis copia. Die IX m. Decbr., imminentे nocte, aegrotus tormentis plane oppressus arulsi ligationem et quoniam auxilium nullum praesto fuit, passus est sanguinis jacturam circa libras III — IV. Incassum eam plane sedare studiimus de integro adhibita ligatura. Vespere X d. ej. m. iterum aegrotus removit fasciam, quo facto sanguis denovo fluxit et non nisi decadente aegroto prosilire cessavit. Copia unus librae aestimabatur. Tranquilla et mitia ultima denascentis momenta videbantur. Sanguinis damnum intra trium ultimorum mensium spatium fere ascendit modum CX unciarum; ultimo vero nocthemero circiter L — LV unc.

---

### SECTIO CADAVERIS.

---

Cadaver macerrimum, oedematosi tumores prorsus iidem, quales in morbi narratione supra adumbravimus. Tumor aneurysmaticus

in sinistram clavicularē regionē sese magis expandebat. Eminebat, mortuo in aquum locato, superiori ora usque ad summos tracheae annulos, fines latera versus certo determinari non potuere. Deorsum versus hic tumor sternum occultabat, libera tamen relictā parte inferiori, trīm fere pollicēm longitudinis. Etiānum in vertice tumoris conspicuae erant divergentes venae dilatatae. Tumoris forma rotundo-oblonga, sinistram partem versus et sursum altior **XXII** digitos cum quadrante complevit perimetrum circa basin \*); filum a superiore basis puncto ad insimum ita ductum, ut, nudum apicem searet, **VII** digit. cum dimidio longitudine fuit; similiter explorata dimensio dextrorum sinistrorum **X** digitorum. Longissima diametrum jam antea memorati fabiformis loci dirupti **IX** fuit linearum. Impleta fuit haec apertura rubellulo et rubido coagulo. Abscidimus satis late integamenta communia, quae in tumore, praesertim in medio ejus, cum subjacentibus partibus arcte concreta erant. In summo tumore corium tenuē densumque, textus adiposus plane sublatus; magis perimetrum tumoris versus conspiciebantur parvulae, dispersae laminae adiposae

\* ) Omnes dimensionum descriptiones secundum Parisienses modos usurpavimus.

densae, quae non facile a subjacentibus partibus avelli potuerunt et orbi tumoris alia alii imposita spissum suggestum formabant, quod paullatim tenuius in textum adiposum oedematosorum integumentorum communium se traheret \*). Musculus platysmamoideus nobis sese ostendebat, ac si sensim recederet in communia integumenta. Musculi sterno-cleidomastoidei, qui praeter normam a se invicem remoti erant, evidenter declarabant portionem sternalem et claviculariem; illa in superiore, haec in lateralem partem tumoris sese inseruit, ita ut musculi illi, qui per satis amplum spatium plus tendinosi, quam fibris muscularibus instructi et perquam densati conspiciebantur, in ipsum tumorem transirent absque ulla cum osse quodam conjunctione. Etiam musculi sternohyoidei et sternothyreoidei, ab iisdem alterius lateris contra normam distantes, tumoris parieti posteriori, neutiquam vero ossi insidebant \*\*).

Ad cavum aneurysmaticum subtilius perscrutandum serra dissecuimus claviculas costasque utriusque lateris, separavimus pleuram

---

\*) Haec ad dijudicandam magnitudinem tumoris magnopere adjuvant.

\*\*) Haec sufficiunt id, quod musculi non in osseam substantiam sed in solum periostium inseruntur.

costalem idoneo ambitu, majora colli vasa persicidimus, pharyngem, oesophagum supra cardiam, sejunximus laryngem ab osse sublinguali remotoque diaphragmate, persecuimus Aortam infra arteriam coeliacam egredientem. Res tali modo praeparata cor cum majoribus vasibus sanguiferis, pulmones cum arteria aspera et ipsum aneurysma nos penitus explorare permisit. Ex cavo pectoris fere V libras cruenti seri evacuavimus. Cavum abdominale nullum liquorem inclusit; tractus intestinalis egregie inflatus erat, tunicae ejus pallidae, tenues et perperam nutritae. Nullum aliud abdominis organon pravam speciem praecultum.

Quod aneurysmaticum antrum in circumiacentes partes spectat, valde doleo equidem, quod accurata exploratio recentis praeparati, rebus nonnullis moleste intervenientibus, institui non potuit. Spiritu vini superfusum in pathologico Museo almae nostrae Univers. asservatur. —

Aperiimus tumorem a loco disrupto incisione decussata. Lobi reclinati parietis anterioris conspicere sinebant complura membrana strata; cingebant porro nonnulla strata rubelluli et compacti coaguli, quae vulgo feruntur concretiones polyposae. His nec non internae superficie parietum adhaerebant os-

sium frustulae, haud absimiles illis, quae carie penetratae sunt. Polyposa strata eo densiora, quo exteriora; verum omnino mollia et facile divellenda erant. Circundabant cavum, ex quo promissimus idoneam copiam atropurpurei coaguli sanguinis, quo remoto in fundo cavi officium reperimus, quod in Aortam abibat, et quod in expositione nostra Isthmum nuncupabimus. In Aorta quoque residuebat atropurpureum coagulum, quod quidem cum illo, quod antea fuit depromptum unius et dimidiae librae ponderis aestimabatur. Jam quod conjectimus, cavum totum aneurysmaticum ex duobus quasi dimidiis constare, ex anteriore vel exteriori videlicet atque ex posteriore vel interiori, nunc non vanum videbamus; Isthmus tanquam terminus inter illa judicandus fuit.

Ad anteriorem partem sive saccum proprie sic dictum disquirendum, abstrusimus polyposas concretiones. Interior ejus superficies inaequaliter cellulosa erat: Exemplo in illa ossium rudimenta invenimus, quae carie velut absorpta in cavum prominebant et cellulosis polyposis filamentis in ambitu enim parietibus tumoris connexa erant. Illico inter illa cognovimus extremitatem anteriorem clavicularis dextrae, quae ipsa detimento carioso arrossa cum fragmento manubrii ossis sterni coactuerat. Extremitas sternalis claviculae sint

sirae ita deperdita, ut cunei in forma oculis se praebet. Infra claviculas prominebant extremitates anteriores costae primae dextrae et sinistre, cuius cartilago ossificata ancylosin cum rudimentis manubrii inierat. Dextra clavica propinquae costae per massam osseam arcte conjuncta erat. In simam in cavo conspicuum partem osseam effecit costae secundae utriusque lateris ex parte ossificata cartilago et arrosa margo corporis ossis sterni, inter quod et costam tamen arthrodia sese manifestabat. Manubrium igitur ossis sterni et pars parva corporis ejusdem ossis absorptione evanescerat \*). Nec puris, nec sanici umbra affuit. Isthmus, ut manifestus est ex praeparato spiritu infuso, circa tres quadrantes pollicis post opinabile sternum situs est, fere rotundus, ambitum quinque digitos et dimidium continens. Observare licebat in illo prominentem, suffarinatum, callosum marginem, nominatum a Scarpa limbum \*\*), inferiori arcu magis distinctum, qui sursum paullatim evanescebat, ita tamen, ut ejus vestigia quodammodo super ipsam originem trunci anonymi distingui possent. Cordi proprior pars limbi V. digitis ab

\*) Quibus rebus exponitur recessus humeroem decurrente morbo animadversus.

\*\*) Scarpa. o. c. § XVIII. pag. 99.

orificio arterioso ventriculi sinistri cordis distabat. Ambitus descripti anterioris cavi dimensionem XVII pollicum tenebat, diametrum longitudinalis V pollices usque fere ad eum locum, ubi tertia costa sterno copulatur, diameter transversa V pollices cum dimidio. Hae etiam dimensionum aestimationes apud praeparatum in spiritu conservatum instituebantur.

Quo melius posteriorem cavi aneurysmatici partem perlustrare possemus, os sterni cum adjacentibus costis sursum reclinabatur. Aortae inde magis conspicuae superficies externa in visam incurrebat tanquam gibberosa, colore in aequaliter subrubescente. Aorta maxime dilatata eo usque, ubi mittit arteriam coeliacam et arterie consociata fuit cum interiori superficie thoracis. Dissecuimus eam per totam longitudinem. Interior superficies eminentias et depressiones obtulit, quarum multae congruebant cum iis, quae videbantur in externa superficie, aliis locis plana, aliis rursus rugosa, et ubi squamulae osseae residebant, saepenumero superficies interna tunica orbata quasi corrosa apparebat, illisque in locis squamulae illae in cavitatem prominebant. Eminentiae internae superficie, quas facile comparare licet cum planis, magis minusve latis verrucis, diversis causis originem debebant,

Nunc profecti erant ex incrassatione tunicae internae, quae indolem quasi cartilaginosam illis locis adsciverat; nunc ex incrassatione tunicae fibrosae saepe sine majore abalienatione texturae, nunc ex ambabus simul, quae incrassatae et condensatae ita coaluerant inter se, ut separari, in praeparato saltem spiritu infuso, non potuerint; nunc producti erant atheromatibus et steatomatibus depositis, partem inter fibrosam et internam tunicam, partem in fibrosa ipsa. In vicinitate arteriae egredientis coeliacae maxima nostris oculis se obtulit eminentia, qua diligentius indagata apud praeparatum in spiritu asservatum, manifestum fiebat, illam constare ex elata tunica interna simulque fibrosa, inter quas et tunicam cellulosa vacuum se nobis intulit antrum. Quae degenerationi potissimum arcum Aortae depositis squamulis osseis abundantem amplectebantur \*). Tunica interna Aortae in universum considerata non ita incrassata, ceterum discolor, tum magis minusve rubra, tum flava, idque praecipue loco, ubi substantia ossea sub illa secreta fuit, tum paene naturalis erat coloris. Minori opera secernebatur in asservato praeparato a fibrosa, quam hoc in vase

\*) Haec in recenti cadavere copiosiores, quam in asservato praeparato inveniebantur. Scarga o. c. § XX pag. 106.

sano fieri medicis innotuit. Tunica fibrosa omnium maxime incrassata erat usque ad illum locum, in quo dilatatio Aortae desinebat. Post illam tunica cellulosa ingenti crassitudine et densitate fuit, ita, ut in Aorta ascendentē et principio arcus Aortae, in pariete Isthmo opposito, ubi illius crassities lineac modum superabat, peculiarem texturam suam aljecerit et indolem lardeam arrogaverit. Initium cepit arteriae magnae dilatatio jam ab orificio arterioso ventriculi sinistri, quod ipsum vix dilatum putare ausim, contra suspectiū annulum duritiae cartilaginosae, circiter unius et dimidiae lineaē latitudinis, cuius valde eminentes concavi arcus, a quibus valvulae semilunares originem trahunt, in arteriae tubum prominabant. Valvulae lunatae arteriae magnae densiores et firmiores illis arteriae pulmonalis erant, leviter rubescentes et praeter nodulos Morgagnii steatomatosas excrescentias in se habebant. Aorta ascendens ubique pariter dilatata; duobus tamen digitis post originem, ubi curvationem inchoabat, intra adhuc pericardium inaequaliter dilatata fuit, praecipue in parte superiori. Filum, quod circum initia arteriae magnae duximus, IV digitos VI lineas longum fuit. — In regione Isthmi dilatatio maxima erat, adeo ut interna perimetruS VII digitos compleret.

Arteriae cordis coronariae locis consuetis effluebant vix dilatatae et ad locum usque, in quo majores ramos emittebant, degeneratae Aortae instar inveniebantur. Quod quidem maxime cadit in arteriam coronariam cordis posteriorem. Arteria pulmonalis sua norma gaudebat, noduli Morgagnii ad valvulas illius tenues semilunares desiderabantur. Arteria innominata, quae illico infra superiorem Isthmi perimetrum enascebatur, longitudinis I dorsi II linearum fuit, neque expers ejusdem ac Aortae dilatationis et degenerationis. In primordiis ambitus ejus III dertos complevit. Arteria subclavia dextra usque ad decessum art. thyreoideae inferioris, vertebralis, mammariae I dig. V lin. longa et proinde structura eadem morbosa. Ambitus ejus unius digiti, octo linearum. Arteria carotis dextra communis bifurcationem patiebatur correspondens cartilagini cricoideae, longa III dig. aequa morbosa specie, praesertim ubi secedere occipit, ibique ambit I digitum, loco bifurcationis VIII — IX lineas. V lineis circiter ab illa arcus Aortae regione, ubi hic truncum anonymum emitit et pariter longe infra superiorem perimetrum limbi sinistrorum arteria carotis sinistra communis exhibat, ejus ostium pariter rotundato et incrassato margine cinctum fuit, III. digit. VIII lineas longa aequa abnormi-

structura, parietibus incrassatis gaudebat, sed minus, quam dextra, et siccæ ubique ambitum VIII linearum expletat \*). Arteria carotis facialis et cerebralis nihil alieni in structura ostendebant, nisi forsitan huc ducere velis, quod illa non nisi hujus ramus esse videbatur. Arteria subclavia sinistra ejusdem ad dextram longitudinis usque ad eum locum, ubi vertebralem mammariam ext. emittit, praeter morbosam ostii naturam normali indeole gaudebat. Quod ostium tres quadrantes dig. ab ostio arteriae carotidis sinistrae situm fuit sinistrorum et circiter I dig. infra superiorem Isthmi arcum. Perimetrus arter. subcl. sinistrae ab originae I dig. II lin. Arteria subclavia dextra firmiter primae costæ adhaerens. Vasa dicta ex arcu Arteriae magnac proficiscentia cursum tendebant ad posteriorem sacci parietem, neque in decursu insigniter aberrabant a statu normali. Vena innominata per transversum ad posteriorem parietem sacci decurrebat inter hunc et truncum anonymum. Ipsa haud secus, ac vena subclavia dextra, plane, et vena subclavia sinistra partim accreta posteriori sacci parieti fuit. — Quibus in venis aliae mutationes insigneis perlustrantibus nobis sc̄ non obtulerunt.

---

\*) Plerumque arteria carotis communis V — VI dig. longa.

Ceterum cor quodammodo laxum et copiosa adipe involutum, indole orificii venosi sinistri cordis quoque a norma recedebat. Laciniae scilicet valvulae mitralis, praesertim ea, quae proprietor est septo, satis incrassatae. Cor cum pericardio non conglutinatum. Pericardium continebat modum consuctum humoris serosi, neque colore, neque structura abnormale erat, nisi forsitan magnas adipis glebas depositas in ejus superficie externa respexeris, quibus cum Pleura et diaphragmate arcte cohaerebat. Nec arteria aspera, nec bronchia perperam affecta. Pulmonibus ceteroquin sanis, superior tantummodo lobus sinistri pulmonis, qui pleurac costali agglutinatus fuit, tubercula miliaria ostendebat. — Pleura costalis naturalem et colorem et indolem prae se screbat, superior vero parte justo tenuior et mollior. Nervus vagus bene se habuit et in posteriorem sacci partem decurrebat, neque tamen cum illo connatus fuit. Plexus quoque brachialis bonus, rerum tamen tumoris pressui subjectus esse videbatur.

Non permissum vero nobis fuit, alterius progredi ad disquirenda etiam alia cadaveris loca; quoniam denatus homo suis reddendus fuit.

## ADDENDUM.

---

Jam in Aetiologya descripti morbi eo nitebamur, ut explicaremus, quodnam initium ejus fuerit, et quando ea, quae tum perlocuti sumus, conferimus cum necroscopia, haec magis stabilituntur quam refelluntur. Cadaveris praeterea sectio nobis facultatem praebet paulo subtiliora de progressu morbi enarrandi et inter tirones quamquam me habeo, tamen non possum, quin meas de hac re sententias lecturis offeram. Quodsi chronicā inflammatione Aortae structura vitiōsa exorta est, atoniā, deminutā elasticitatem et cohaerentiam necessario sequi oportebat \*). Tam vexatum vas facile cedere potuit irruenti sanguinis columnae itaque dilatationem experiri, quae quidem omnino in affecta Aortae parte universalis erat, tamen, ut fieri plerumque solet, in superiorē et anteriore arcus Aortae parte magis conspicua \*\*). Quae dilatatio ad certum terminum, quem migrare non potuit, progressa est, quo anterior arcus paries adhuc ab osse

\*) Kreysig. o. c.; Scarpa. o. c.; Hodgson. o. c. pag. 74.

\*\*) Hodgson. o. c. pag. 69.

Scarpa. o. c. pag. 77. 97.

sterni remotus fuit et ambitus internus ejus VII dig. continebat. Si perpendimus, chronicam inflammationem inter haec perseverasse, exulceratio in tunicis hujus arteriae subnasci potuerit, intelligemus. — Cui rei adhuc favebat permanens dilatatio et tensio tunicarum, vis propulsi sanguinis, potestas paroxysmorum morbi in vasorum et nervorum systema et noxae aliae internae et externae res. Tunicae et quidem primum interna, tum fibrosa \*) effugere non potuere destructioni per exulcerationem inflammationem et ex Isthmo concludere licebat, processum delentem ibi, ubi maxime dilatatus fuit arcus, vehementer circumiisse. — Tunica cellulosa, quae extendi valde potuit et quam nunc sanguis lambebat, mox impetui ejus magis magisque cedere debebat, quod observatis cel. Nicholii et Hodgsonii \*\*) probatur. Itaque saccus aneurysmaticus, cuius primordia circa tres quadrantes pollic. post sternum sita esse videbantur, depromptus, hujus ossis superficiem attigit \*\*\*). Contactus

\*) Hodgson. o. c. pag. 101.

\*\*) ibid. o. c. pag. 100.

Nicholl: Phil. Trans. vol. 35. pag. 443.

Scarpa. o. c. pag. 90 sqq.

\*\*\*) Ante saccum formatum exulcerationem non vero disruptionem mechanicam extilisse, limbus annunciat, —

hujus magis minusve inflammatae tunicae cum sterni velamentis, coalitum induxit \*). Quum tamen os sacco obstaret, tunica cellulosa in latitudinem praecipue in parte superiori sanguinis impetu expandi oportuit. Ut fieri solet, inflammationem suppurativam aut exulcerativam simul adhaesiva concomitabatur, qua sanguis exulcerati marginis et incrassatio intimusque coactus condensatarum Aortae tunicularum efficiebatur. Exinde apparet, quemadmodum ex arteria magna sanguis profluens impeditus fuit, quominus intra tunicas ejus extravagaretur. Sterno adjacens sacca aneurysmaticus, vi irruentis sanguinis, irritatione et pressu sternum vexabat et processum absorbenter \*\*) ciebat, quem Hunterus progressivum nuncupavit \*\*\*) — Ex membranis internam sterni superficiem vclantibus in ipsum sternum progrediens, hoc penetravit et omni fero ex parte delevit; tandem correptis perio-

---

neque aegrotus quidquam significabat, quod mechanicam subitam disruptionem statuere permitteret. Hodgs. o. c. pag. 109.

\*) Hodgson. o. c. pag. 110.

\*\*) ibid. o. c. pag. 110; Scarpa. o. c. § XXXV.

\*\*\*) J. Hunter: Vers. üb. d. Blut, d. Entzdg. u. d. Schusswunden. A. d. Engl. von Hebenstreit.

stio in superficie externa, membranisque aponeuroticis, saccus ancurysmaticus integumenta communia quoque aggressus ipsa protrudit. — Sicuti concludere licet ex tumoris situ, ineunte m. Martis anni MDCCCXXXI superior pars manubrii sterni magis et primum quidem tentata est, saccus igitur directus antrorsum et sursum. Ex antecedentibus facile jam elucebit, etiam a sacco protrusas membranas in circuitu ulcerationis invicem et celluloso sacco arete coaluisse, et parietes ejus magis densatas aberranti sanguinis radio eo magis obstituisse, ne ultra tunicas se effunderet. Quae opinio adjuvatur contemplatione obducti cadaveris, in quo sacci parietes discindi parvo negotio potuerunt in complura membranacea strata, non facile determinandae texturæ. Abundantiam adipis, nescio an duxerim secretionem vicariam ejus adipis, quae in ipso tumore seceri non potuit. Tendinosa musculorum sternocleido-mastoideorum natura originem trahere videbatur ex nutritione prohibita, siquidem haec, ut augeretur, otio indigebat tumoris pulsatione et tensione muscularum. Sacco et tumore aucto, parietes ejus magis extendebantur, praesertim in tumoris parte impetu sanguinis imprimis exposita. Interrupta sanguinis circulatio et nervorum functio nutritionem et vitalitatem in illis locis iminuere debebat, qui-

bus gradatim attenuabantur; eadem ex causa dilatatae in tumore venae, macula coloris atropurpurei, ibidem visa furfuratio et tandem gangraenosa dissolutio, quae paullatim penetrans haemorrhagiam mortiferam adduxit. —

Quod si sciscitemur, quaenam partes aneurysmaticum antrum circumdiderint, jam ex cadavere perlustrato ea nobis cognitio evenit, posterius cayum ex solis tribus Aortae tunicis dilatatis constatum fuisse. In Isthmo, praecipue in arcu ejus inferiore, internae duas tunicae prorsus desinebant. Quod declaratur evidenter limbo \*) et diversis degenerationibus superficie arteriae magnae et sacci ipsius. Superiore ambitu vero Isthmi, ubi limbus non tam distinete conspiciebatur et indeles superficie sacci haud absimilis fuit ei, quam Aorta ostendit, tam subita sejunctio tunicarum praesto fuisse non videtur. — Sententiam propterea non resiceremus, internam tunicam etiam in saccum transiisse et oblongas prominentias, quae limbi vices hoc loco sustinebant, partim reliquias fibrosae tunicae, partim lymphae coagulabilis habendas fuisse. Quod anteriorem partem sive proprium saccum attinet,

---

\*) Scarpa, o. c. § XVII. pag. 98. et § XXIV.

difficile cultro anatomico disponendae erant singulæ partes, quæ eum efficiebant, quæ morbo ipso diurno texturam peculiarem magis minusve perdiderint, quæ in praeparato adeo citius oculis se subtraxit. — Sin vero in memoriam revocaveris, quemadmodum saccus sensim se formaverit et quando rationem habueris cadaveris, periostium externam et internam sterni superficiem obtègens et aponeuroticas membranas, quæ propellebant a cellu-losa arteria tunica, ad conformandum illum valuisse; porro illa tantum posteriorem parietem et basin ejus amplexa esse; cellulosa vero arteriae tunicam longius progressam in tumoris paries, in aprico est. Fastigium tumoris an solis integumentis communibus formatum fuerit, nescio. Quæ ex parte expli-cantur parva expansibilitate periostii et membranarum aponeuroticarum et insertione mus-culorum in tumore, tum magna expansibili-tate integumentorum communium nec non tex-tus cellulari, ejusque dispositione ad exul-cerativas dissolutiones, quibus pressio sterni ansam præbuit. Ossium rudera inventa, ad polyposas concretiones et superficiem inter-nam parietis anterioris tumoris adhaerentia, videbantur residua habenda processus absor-ptionis. **D**e Isthmo et limbo jam antea verba-facta sunt; restat nobis, ut addamus, eo dis-

secto complura quidem membranacea strata  
conspici potuisse; ea vero nullam certam tex-  
turam indigitasse. —

---

## EXPLICATIO TABULARUM.

---


### T A B U L A I.

- A. Arteria aspera.
- B. Regio ossis sterni externa.
- C. C. Arteria carotis cerebralis et facialis.
- D. D. Musculi sterno-cleido-mastoidei.
- E. E. Musculi sterno-thyreoidei.
- F. F. Musculi sterno-hyoidei.
- G. Arcus Aortae paries posterior.
- a. a. a. Limbus isthmi.
- b. Arteriae innominatae origo.
- c. Arteriae carotidis sinistrae origo.
- d. d. Filamenta celluloso-polyposa.
- 1. 1. 1. Paries anterior sacci aneurysmatici reclinata.
- 2. 2. Clavicula.
- 3. 3. Costa prima.
- 4. 4. Costae secundae cartilago.
- 5. Corpus ossis sterni.
- 6. 6. Costa tertia.


### T A B U L A II.

- A. Sacci aneurysmatici cavum.
- B. Regio ossis sterni interna.

- C. Costa prima sinistra.  
D. D. Costa secunda.  
E. E. Costa tortia.  
F. F. Pericardium, cum adhaerente adipis in latere dextro.  
G. Aorta adscendens.  
H. Arteria pulmonalis.  
I. I. Pulmonis sinistri pars.  
K. Arteriae coeliaca origo.  
L. Pulmonis dextri pars.  
a. a. Limbus.  
b. Trunci anonymi origo.  
c. Art. carotidis sinistrae initium.  
e. e. e. Designant partes, in arteria descissa sibi respondentes.  
f. Art. coronaria cordis anterior.  
g. Auricula cordis dextra.  
h. Auricula cordis sinistra.
-



Tab. I.



Nach d. Natur v. auf Stein gezeichnet v. W. Schlotheim

Tab. I.

